

საქართველო
შ.პ.ს. თელავის
მუნიციპალიტეტის
კეთილმოწყობის სამსახური
Tel: 0(350) 27 12 37

კეთილმოწყობის სამსახური

GEORGIA
LTD. Telavi
municipality Improvement
Service
Tel: 0(350) 27 12 37

N 83

27 მაისი 2020 წელი.

თელავის მუნიციპალიტეტის მერს
ბატონ შოთა ნარეკლიშვილს

ბატონო შოთა,

თელავის მუნიციპალიტეტის მერის 2018 წლის 04 ოქტომბრის № 1503-ე ბრძანებით დამტკიცებულ შპს თელავის მუნიციპალიტეტის კეთილმოწყობის სამსახურის წესდების მე- 4 მუხლის შესაბამისად წარმოგიდგენთ შპს თელავის მუნიციპალიტეტის კეთილმოწყობის სამსახურის 2018-2019 წლების საქმიანობის ანგარიშს.

იხილეთ დანართი №1 12 (თორმეტი) ფურცლად.

დირექტორი

ივანე იორდანიშვილი

შპს თელავის მუნიციპალიტეტის კეთილმოწყობის სამსახურის
საქმიანობის ანგარიში
2018-2019 წ.წ.

1. წინასიტყვაობა -----	3
2. თელავის ქუჩების დაგვა-დასუფთავების, მოსახლეობიდან და მუნიციპალიტეტის 26 სოფლიდან საყოფაცხოვრებო ნარჩენების შეგროვებისა და ნაგავსაყრელზე გატანის სამუშაოები -----	4
3. თელავის მუნიციპალიტეტის ტერიტორიაზე არსებული გარე განათების ქსელების მოვლა-პატრონობის სამუშაოები -----	5
4. თელავის მუნიციპალიტეტში არსებულ გამწვანებულ ტერიტორიებზე აგროღონისძიებების ჩატარების და ნარგავების მორწყვისა და ახალი ნარგავების გაშენების სამუშაოები -----	6
5. თელავის მუნიციპალიტეტის სოფლებში არსებული სასმელი წყლის ქსელების მოვლა-პატრონობის მომსახურება-----	7
6. თელავში, ერეკლე II-ის მოედანზე და ჭადრის ქუჩაზე არსებული საპირფარეშოების მოვლა-პატრონობის მომსახურება-----	8
7. თელავისა და თელავის მუნიციპალიტეტის სოფლების თოვლისაგან გაწმენდის სამუშაოები -----	9
8. თელავის ტერიტორიაზე საგზაო მოძრაობის უსაფრთხოების ტექნიკური საშუალებების მოვლა-პატრონობის მომსახურება -----	10
9. თელავის მუნიციპალიტეტის ტერიტორიაზე არსებული სასაფლაოების გაწმენდა/დასუფთავება, მოვლასთან დაკავშირებული სამუშაოები -----	11
10. თელავში არსებული ნიაღვარ-მიმღები და ნიაღვარ გამტარი კოლექტორების მოვლა-პატრონობის სამუშაოები -----	12

წინასიტყვაობა

2018-2019 წლის განმავლობაში შპს თელავის მუნიციპალიტეტის კეთილმოწყობის სამსახურის მიერ შესრულდა არაერთი მნიშვნელოვანი სამუშაო. აღნიშნულ პერიოდში სამსახურის მიერ განხორციელებულ იქნა თელავის მუნიციპალიტეტის მერის 2018 წლის 04 ოქტომბრის №1503 ბრძანებით დამტკიცებული წესდებით გათვალისწინებული სამუშაოები. კერძოდ, მუნიციპალიტეტის მთელს ტერიტორიაზე ჩვენს მიერ განხორციელდა დასუფთავების, გარე განათების ქსელების სასაფლაოების მოვლა-პატრონობის მომსახურება, ასევე მუნიციპალიტეტის სოფლებში არსებული წყალსადენი ქსელების, ხოლო თელავის მასშტაბით გამწვანების, საზოგადოებრივი საპირფარეშოებისა და ნიაღვარ-მიმღები კოლექტორების მოვლა-პატრონობის სამუშაოები.

2018 წლებში შპს თელავის მუნიციპალიტეტის კეთილმოწყობის სამსახურის მიერ გამოცხადებული და მოგებული ტენდერების რაოდენობა შეადგენდა 21-ს, ხოლო 2019 წელს 16-ს.

თელავის ქუჩების დაგვა-დასუფთავების, მოსახლეობიდან და მუნიციპალიტეტის 26 სოფლიდან საყოფაცხოვრებო ნარჩენების შეგროვებისა და ნაგავსაყრელზე გატანის სამუშაოები.

შპს თელავის მუნიციპალიტეტის კეთილმოწყობის სამსახური ახორციელებს თელავის ქუჩების დაგვა-დასუფთავების, ასევე საყოფაცხოვრებო ნარჩენების მოსახლეობიდან და მუნიციპალიტეტის 26 სოფლიდან შეგროვების, ხოლო შემდეგ მათი ნაგავსაყრელზე გადატანის სამუშაოებს. აღნიშნული მომსახურება თელავის მთელს ტერიტორიაზე ხორციელდება ყოველდღიურად, ხოლო სხვადასხვა სოფლებში კვირაში ორი დღის განმავლობაში. ასევე თელავის მასშტაბით იმ უბნებზე, სადაც არ არის განთავსებული სანაგვე ურნები, მათი გატანა ხდება თვითმცლელი ავტომობილებით კვირაში 2-ჯერ. 2018-2019 წლებში ჩვენს სამსახურსა და თელავის მუნიციპალიტეტის მერიას შორის გაფორმებული სახელმწიფო შესყიდვების შესახებ ხელშეკრულებების საფუძველზე სრულად მოხდა აღნიშნული ხელშეკრულებებით ნაკისრი ვალდებულებების შესრულება. რის შედეგადაც შესრულებული სამუშაოს ღირებულება 2018 წელს ჯამურად შეადგენდა 679513 (ექვსასამოცდაცხრამეტიათას ხუთასცამეტი) ლარსა და 92 (ოცხმოცდათორმეტი) თეთრს ხოლო 2019 წელს, 805788 (რვაასხუთიათას შვიდასოთხმოცდარვა) ლარსა და 37 (ოცდაჩვიდმეტი) თეთრს.

აღსანიშნავია, რომ 2018 წელს შპს თელავის მუნიციპალიტეტის კეთილმოწყობის სამსახურის მიერ მოხდა 16285,6 ტონა საყოფაცხოვრებო ნარჩენის შეგროვება და ნაგავსაყრელზე გადატანა. რაც შეეხება 2019 წელს, იმავე სამუშაოს შესრულების შედეგად 87585 მ³ ნარჩენის გატანა მოხერხდა.

სამსახურის მიერ 2018 წელს ასევე შესრულდა თელავში ყადორის ბორცვზე მდებარე „კვირიკე დიდისა“ და მისი მიმდებარე ტერიტორიის, ხოლო სოფელ შალაურსა და სოფელ კურდღელაურში სტიქიის შედეგად მოსახლეობის ეზოებისა და გზების დასუფთავების სამუშაოები, რისი ჯამური ღირებულებაც შეადგენდა 33301 (ცოდაცამეტიათასსამასერთი) ლარსა და 70 (სამოცდაათი) თეთრს.

მნიშვნელოვანია, რომ ჩვენს სამსახურს აქვს შესაძლებლობა საყოფაცხოვრებო ნარჩენების შეგროვებისა და გატანის მომსახურება გაუწიოს თელავში და თელავის მუნიციპალიტეტში მოქმედ სხვა და სხვა კერძო თუ იურიდიულ პირებს და აღნიშნულის საფუძველზე მიიღოს დამატებითი შემოსავალი. 2018-2019 წლებში ორმოცდაათამდე ასეთ პირთან დაიდო ხელშეკრულება, რომელთა ჯამური ღირებულება 2018 წელს 74312 (სამოცდათოთხმეტიათასსამასთორმეტი) ლარს და 12 (თორმეტი) თეთრს, ხოლო 2019 წელს, 114191 (ასთოთხმეტიათას ასოთხმოცდათერთმეტი) ლარს და 17 (ჩვიდმეტი) თეთრს შეადგენდა.

2018 წლისათვის ჩვენს მიერ ასევე შესრულდა თელავის მუნიციპალიტეტის ტერიტორიაზე არსებული სტიქიური ნაგავსაყრელებიდან მყარი საყოფაცხოვრებო ნარჩენების ცენტრალურ

ნაგავსაყრელზე გატანის სამუშაოები. აშნიშნული სამუშაოს ღირებულებამ კი შეადგინა 42366 (ორმოცდაორიათას სამასსამოცდაექვსი) ლარი და 49 (ორმოცდაცხრა) თეთრი.

თელავის მუნიციპალიტეტის ტერიტორიაზე არსებული გარეგანათების ქსელების მოვლა-პატრონობის სამუშაოები.

ჩვენი სამსახური ყოველდღიურ რეჟიმში ახდენს თელავის მუნიციპალიტეტის ტერიტორიაზე არსებული გარე განათების ქსელების მოვლა პატრონობის მომსახურებას. დღის განმავლობაში, სამსახურში არსებული ცხელი ხაზის მეშვეობით, შესაბამის ჟურნალში აღინიშნება ის მისამართები, სადაც დაზიანებულია გარე განათების ქსელები ხოლო შემდგომ, ელექტრიკოსების მიერ ხდება მათი შემოწმება და შეკეთება.

2018 წელს შესრულებული სამუშაოს ჯამური ღირებულება შეადგენდა 179990 (ასსამოცდაცხრამეტიათას ცხრაასოთხმოცდაათი) ლარსა და 87 (ოთხმოცდაშვიდი) თეთრს. ამავე საანგარიშო წლის პერიოდში მუნიციპალიტეტის მასშტაბით შეიცვალა დაახლოებით 3000 ცალი სხვა და სხვა დასახელებისა და სიმძლავრის გარე განათების ნათურა და დამხმარე მასალები. რაც შეეხება 2019 წელს, მთელი წლის განმავლობაში სამუშაოს ჯამური ღირებულება იყო 211641 (ორასთერთმეტიათას ექვსასორმოცდაერთი) ლარი და 94 (ოთხმოცდათოთხმეტი) თეთრი ხოლო, შეიცვალა დაახლოებით 3370 ცალი გარე განათების ნათურა და დამხმარე მასალები.

თელავის მუნიციპალიტეტში არსებულ გამწვანებულ ტერიტორიებზე აგროღონისძიებების ჩატარების და ნარგავების მორწყვისა და ახალი ნარგავების გაშენების სამუშაოები.

2018-2019 წლებში თელავის მუნიციპალიტეტის მერიასა და შპს თელავის მუნიციპალიტეტის კეთილმოწყობის სამსახურს შორის გაფორმებული სახელმწიფო შესყიდვების შესახებ ხელშეკრულებების საფუძველზე ჩვენი სამსახური ახორციელებდა მუნიციპალიტეტის ტერიტორიაზე არსებულ გამწვანებულ ტერიტორიებზე აგროღონისძიებების ჩატარების, ნარგავების მორწყვისა და ახალი ნარგავების გაშენების სამუშაოებს. ამ პერიოდში, თვის განმავლობაში ორჯერ, ხდებოდა გამწვანებული ტერიტორიების გასუფთავება არსებული ნარჩენებისაგან, ხოლო ზაფხულის განმავლობაში სამჯერ გაზონების გაფხვიერება ხელის ინსტრუმენტით. ასევე სამსახური ასრულებდა გამწვანებული ტერიტორიების გათიბვას, ეკალბარდების შეწამვლას პესტიციდებით, ხეებისა და ნარგავების მორწყვისათვის საჭირო არხის მოწყობასა და მათ მორწყვას.

2018 წლისათვის მუნიციპალიტეტის ტერიტორიაზე ჩვენს მიერ გაშენდა 4200 ახალი ნარგავი, ხოლო შესრულებული სამუშაოს ჯამური ღირებულება წლის განმავლობაში იყო 59978 (ორმოცდაცხრამეტიათას ცხრაასსამოცდათვრამეტი) ლარი და 59 (ორმოცდაცხრამეტი) თეთრი.

რაც შეეხება 2019 წელს, ამ პერიოდში ჩატარდა არაერთი აგროღონისძიება და დაირგა როგორც ერთწლიანი, ისე მრავალწლიანი სხვადასხვა ნარგავები და ყვავილები. აღნიშნული საანგარიშო წლის განმავლობაში სულ დაირგა ერთწლიანი 4000 ცალი ყვავილი და მრავალწლიანი 2422 ცალი ნარგავი. მოცემული სამუშაოს საერთო ღირებულება კი შეადგენდა 96228 (ოთხმოცდათექვსმეტიათას ორასოცდარვა) ლარსა და 44 (ორმოცდაოთხი) თეთრს.

თელავის მუნიციპალიტეტის სოფლებში არსებული სასმელი წყლის ქსელების მოვლა-პატრონობის მომსახურება.

შპს თელავის მუნიციპალიტეტის კეთილმოწყობის სამსახურის წესდებით გათვალისწინებულ კიდეც ერთ საქმიანობას წარმოადგენს თელავის მუნიციპალიტეტის სოფლებში არსებული სასმელი წყლის სისტემის მოვლა-პატრონობა. აღნიშნული მომსახურების ფარგლებში ხორციელდება სასმელი წყლის დაზიანებული მილების შეცვლა. 2018 წლისათვის სულ შეიცვალა დაახლოებით 10048 მ სასმელი წყლის მილი და მოხდა ძველი, დაზიანებული მილების ჩანაცვლება ახალი პლასტმასის მილებით. მითითებული სამუშაოს ღირებულება წლის განმავლობაში შეადგენდა 216867 (ორასთექვსმეტიათას რვაასსამოცდაშვიდი) ლარსა და 93 თეთრს.

2019 წლისთვის ჩვენს მიერ დაახლოებით 18000 მ სასმელი წყლის მილის შეცვლის სამუშაოები ჩატარდა, რომლის ჯამური ღირებულებაც 299519 (ორასოთხმოცდაცხრამეტიათას ხუთასცხრამეტი) ლარსა და 97 (ოთხმოცდაჩვიდმეტი) თეთრს შეადგენდა.

თელავში, ერეკლე II-ის მოედანზე და ჭადრის ქუჩაზე არსებული საპირფარეშოების
მოვლა-პატრონობის მომსახურება.

შპს თელავის მუნიციპალიტეტის კეთილმოწყობის სამსახური ასევე ახორციელებს თელავის
მასშტაბით არსებული ორი საზოგადოებრივი საპირფარეშოს მოვლა პატრონობას. 2018 წელს
აღნიშნული სამუშაოს შესრულების ჯამური ღირებულება წლის განმავლობაში შეადგენდა 17879
(ჩვიდმეტიათასრვაასსამოცდახრამეტი) ლარსა და 64 (სამოცდაოთხი) თეთრს. რაც შეეხება 2019
წელს, ამ პერიოდისთვის სამუშაოს ღირებულებამ სულ შეადგინა 18498
(თვრამეტიათასოთხასოთხმოცდათვრამეტი) ლარი და 90 (ოთხმოცდაათი) თეთრი.

თელავისა და თელავის მუნიციპალიტეტის სოფლების თოვლისაგან გაწმენდის სამუშაოები.

ჩვენი სამსახურის საქმიანობის კიდევ ერთი მიმართულებაა თელავისა და თელავის მუნიციპალიტეტის სოფლების თოვლისაგან გაწმენდის სამუშაოების შესრულება. 2018 წლის ზამთრის განმავლობაში მოსული თოვლისაგან გაიწმინდა თელავის და მუნიციპალიტეტის სოფლების ქუჩები. აღნიშნული სამუშაოების ღირებულება კი შეადგენდა 1593 (ათასხუთასოთხმოცდაცამეტი) ლარსა და 89 (ოთხმოცდათვრამეტი) თეთრს. რაც შეეხება 2019 წელს, იქიდან გამომდინარე რომ ამ პერიოდში ზამთარში ნალექის მხოლოდ უმნიშვნელო რაოდენობა მოვიდა, არ გახდა საჭირო თოვლისაგან გაწმენდის სამუშაოების ჩატარება.

თელავის ტერიტორიაზე საგზაო მოძრაობის უსაფრთხოების ტექნიკური საშუალებების მოვლა-პატრონობის მომსახურება.

საგზაო მოძრაობის უსაფრთხოების ტექნიკური საშუალებების მოვლა-პატრონობა მიმდინარეობს ყოველდღიურად. ჩვენი სამსახურის მიერ ხდება თელავის ტერიტორიაზე არსებულის ყველა საგზაო მოძრაობის ნიშნებისა და შუქნიშნების შემოწმება და დაზიანების აღმოფხვრა, ასეთის არსებობის შემთხვევაში.

2018 წლისათვის ამ კუთხით ჩატარებული სამუშაოების ღირებულებამ შეადგინა 14992 (ოთხმეტიათასცხრაასოთხმოცდათორმეტი) ლარი და 69 (სამოცდაცხრა) თეთრი.

2019 წლისათვის შესრულებული სამუშაოს მთლიანი ღირებულება იყო 14996 (ოთხმეტიათასცხრაასოთხმოცდათექვსმეტი) ლარი და 92 (ოთხმოცდათორმეტი) თეთრი.

თელავის მუნიციპალიტეტის ტერიტორიაზე არსებული სასაფლაოების გაწმენდა/დასუფთავება, მოვლასთან დაკავშირებული სამუშაოები.

შპს თელავის მუნიციპალიტეტის კეთილმოწყობის სამსახურის მიერ 2018-2019 წლებში განხორციელდა თელავსა და თელავის მუნიციპალიტეტის სხვადასხვა სოფლებში არსებული სასაფლაოების მოვლასთან და დასუფთავებასთან დაკავშირებული სამუშაოები.

2018 წელს ჩვენს მიერ დასუფთავდა და გაიწმინდა თელავის 6 და სოფ. რუისპირის, სოფ. კურდღელაურის, სოფ. წინანდლის, სოფ. ბუშეტის, სოფ. ლაფანყურის, სოფ. ნაფარეულის, სოფ. სანიორეს, სოფ. ჯულაანის, სოფ. ართანის, სოფ. ლალისყურის, სოფ. ფშავლის, სოფ. ლეჩურის, სოფ. კისისხევის, სოფ. შალაურის, სოფ. კონდოლის სასაფლაო, რომლის საერთო ღირებულებაც შეადგენდა 34444 (ოცდათოთხმეტიათასოთხასორმოცდაოთხი) ლარსა და 23 (ოცდასამი) თეთრს.

2019 წელს დასუფთავდა თელავის 6 და სოფ. რუისპირის, სოფ. კურდღელაურის, სოფ. წინანდლის, სოფ. ვარდისუბნის, სოფ. გულგულის, სოფ. ნაფარეულის, სოფ. სანიორეს, სოფ. ჯულაანის, სოფ. ართანის, სოფ. ლალისყურის, სოფ. ფშავლის, სოფ. ნასამხრალის, სოფ. კისისხევის, სოფ. შალაურის, სოფ. კონდოლის, სოფ. ლაფანყურის, სოფ. ქვ. ხოდაშენის, სოფ. აკურის სასაფლაო. აღნიშნული სასაფლაოების დასუფთავების სამუშაოების ღირებულებამ ჯამურად შეადგინა 68554 (სამოცდარვაათასხუთასორმოცდათოთხმეტი) ლარი და 34 (ოცდათოთხმეტი) თეთრი.

თელავში არსებული ნიაღვარმიმღები და ნიაღვარგამტარი კოლექტორების მოვლა-პატრონობის სამუშაოები.

2018-2019 წლებში ჩვენი სამსახურის მიერ ასევე განხორციელდა თელავის მასშტაბით არსებული ნიაღვარმიმღები და ნიაღვარგამტარი კოლექტორების მოვლისა და გაწმენდის სამუშაოები. აღნიშნულის ღირებულება 2018 წელს შეადგენდა 49961 (ორმოცდაცხრაათასცხრაასსამოცდაერთი) ლარსა და 58 (ორმოცდათვრამეტი) თეთრს, ხოლო 2019 წლისათვის ეს თანხა იყო 49998 (ორმოცდაცხრაათასცხრაასოთხმოცდათვრამეტი) ლარი და 08 (რვა) თეთრი.

შპს თელავის მუნიციპალიტეტის
კეთილმოწყობის სამსახურის
დირექტორი

ივანე იორდანიშვილი